



Broj: 01-50-1-15-46/17
Sarajevo, 31. 5. 2017.



BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 09-06-2017			
Organizaciona jedinica	Klasifikaciona oznaka	Redni broj	Broj priloga

ZAPISNIK
46. sjednice Predstavničkog doma
Parlamentarne skupštine Bosne i Hercegovine,
održane 31. 5. 2017.

Sjednica je počela u 10,10 sati. Prisustvovalo je 40 poslanika.¹

Sjednici su prisustvovali članovi Vijeća ministara BiH, predstavnici Agencije za osiguranje depozita u BiH, Institucije ombudsmena za ljudska prava u BiH, Agencije za identifikacione dokumente, evidenciju i razmjenu podataka BiH, Uprave za indirektno oporezivanje BiH, Državne regulatorne agencije za radijacijsku i nuklearnu sigurnost, Ureda za reviziju institucija BiH, Izvoznokreditne agencije BiH, Pravobranilaštva BiH i Radio-televizije BiH.

Iz međunarodnih organizacija sjednicu su pratili predstavnici OHR-a, iz nevladinih organizacija prisustvovalo je predstavnik CCI-a, te predstavnici hrvatske i britanske ambasade u BiH.

U vezi sa izmjenama i dopunama dnevnog reda sjednice, predsjedavajući Šefik Džaferović napomenuo je sljedeće:

Na zahtjev Ustavnopravne komisije, s dnevnog reda skinute su:

Tačka 4. Prijedlog zakona o izmjenama i dopunama Zakona o upravi, predlagač: Vijeće ministara BiH, zakon broj: 01,02-02-1-770/17, od 20.3.2017. (drugo čitanje),

Tačka 5. Prijedlog zakona o dopuni Izbornog zakona Bosne i Hercegovine, predlagač: poslanik Denis Bećirović, zakon broj: 01-02-1-1074/17, od 21.4.2017. (prvo čitanje) i

Tačka 16. Razmatranje poslaničke inicijative Denisa Bećirovića, podnesene 20.4.2017., koja glasi: „Zadužuje se Vijeće ministara BiH da najkasnije u roku od šest mjeseci od dana usvajanja ove inicijative u Predstavničkom domu Parlamentarne skupštine BiH sačini i u parlamentarnu proceduru dostavi Zakon o kinematografiji Bosne i Hercegovine“, broj: 01-50-1-1054/17.

U dnevni red dodate su:

¹ Nakon rasprave o dnevnom redu, sjednicu su napustili poslanici iz Kluba SNSD-a, ali su prisustvovali sjednici prilikom glasanja o tačkama dnevnog reda.

Tačka 14. Imenovanje tri člana iz Predstavničkog doma u Zajedničku komisiju oba doma za postizanje identičnog teksta Izmjena i dopuna Jedinostvenih pravila za izradu pravnih propisa u institucijama Bosne i Hercegovine,

Tačka 15. Imenovanje tri člana iz Predstavničkog doma u Zajedničku komisiju oba doma za usaglašavanje prijedloga za imenovanje jednog člana Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica BiH ili drugi sud u skladu sa zakonom BiH i

Tačka 16. Razmatranje ostavke Arifa Nanića na mjesto člana Ureda za razmatranje žalbi BiH, filijala Banja Luka, kao stručnjaka upravnog prava i/ili upravnog postupka, akt broj: 01,02-50-19-1038/17, od 15.5.2017., i Prijedlog odluke o razrješenju dužnosti člana Ureda za razmatranje žalbi BiH, filijala Banja Luka, akt broj: 01,02-50-19-1038/17, od 29.5.2017.

Izmijenjena je tačka 3., koja sada glasi: Prijedlog zakona o dopuni Zakona o upravi, predlaže: poslanik Damir Arnaut, zakon broj: 01-02-1-3044-1/16, od 6.1.2017., sa **Izveštajem Ustavnopravne komisije;**

U raspravi su učestvovali: Fehim Škaljić, Saša Magazinović, Mladen Bosić, Mirsad Đonlagić, Staša Košarac, Damir Arnaut, Lazar Prodanović, Senad Šepić, Nermina Kapetanović, Nikola Lovrinović, Šemsudin Mehmedović, Nikola Špirić, Sadik Ahmetović, Momčilo Novaković, Aleksandra Pandurević i Zaim Backović.

Fehim Škaljić imao je primjedbu na skidanje prijedloga zakona s dnevnog reda današnje sjednice, te izrazio nezadovoljstvo zbog malog broja prijedloga zakona koji stižu u parlamentarnu proceduru.

Damir Arnaut zatražio je da se tačke čiji je predlaže poslanik Denis Bećirović (Prijedlog zakona o dopuni Izbornog zakona BiH i poslanička inicijativa) vrata u dnevni red sjednice. Obje tačke skinute su s dnevnog reda zbog neprisustva predlaže na sjednici nadležne Ustavnopravne komisije, ali je utvrđeno da predlaže nije ni dobio poziv za prisustvo sjednici Komisije. Damir Arnaut zatražio je da nadležna služba sačini detaljnu informaciju u vezi s dostavljanjem poziva poslaniku Denisu Bećiroviću za 47. sjednicu Ustavnopravne komisije.

Lazar Prodanović je, u ime poslanika iz Kluba SNSD-a, predložio dopunu dnevnog reda tačkom koja glasi: Odluka o razrješenju poslanika Šefika Džaferovića dužnosti predsjedavajućeg Predstavničkog doma Parlamentarne skupštine BiH - člana Kolegija Predstavničkog doma.“

Senad Šepić predložio je da se dnevni red dopuni tačkom koja glasi: „Informacija o radu Vijeća ministara BiH i realizacija Programa rada Vijeća ministara BiH za period januar – maj 2017. godine.“

Zbog nepridržavanja poslovnčkih odredbi prilikom prijave za raspravu o dnevnom redu, predsjedavajući je napravio pauzu i sazvaio sjednicu Kolegija Predstavničkog doma u proširenom sastavu.

Nakon pauze, predsjedavajući je rekao da članovi Kolegija Doma u proširenom sastavu pozivaju sve poslanike da poštuju Poslovnik Predstavničkog doma, u ovom slučaju posebno član 71.

Poslovnika u kojem se kaže: Na početku sjednice Doma poslanik kao i svaki ovlašteni predlagač ima pravo tražiti izostavljanje neobavezne tačke i predlaganje nove s odgovarajućim materijalom u pisanoj formi. Nije dopušteno izostavljati obavezne tačke iz člana 70. stav (2) ovog poslovnika. Poslanik ne može izlagati duže od tri minute ni elaborirati suštinu pitanja koje je predloženo kao tačka dnevnog reda ako Kolegij Doma, na zahtjev poslanika, ne odluči drugačije, dakle dok se ne usvoji kao tačka dnevnog reda.

U vezi s prijedlogom Damira Arnauta, predsjedavajući je rekao da ne postoji poslovnička mogućnost uvrštavanja tačaka u dnevni red, budući da je potrebno mišljenje nadležne komisije, koje nedostaje, jer se Komisija nije ni izjašnjavala o tim materijalima, te je zatražio da se do naredne sjednice Kolegija Predstavničkog doma, koja će biti održana 14.6.2017., sačini detaljna informacija u vezi s dostavljanjem poziva poslaniku Denisu Bećiroviću za 47. sjednicu Ustavnopravne komisije.

O prijedlogu Senada Šepića Dom se neće izjašnjavati, jer nije ispunjena poslovnička odredba po kojoj je predlagač dužan obezbijediti i odgovarajući materijal u pisanoj formi.

Zatim se Dom izjasnio o prijedlogu poslanika iz Kluba SNSD-a za dopunu dnevnog reda tačkom: Odluka o razrješenju poslanika Šefika Džaferovića dužnosti predsjedavajućeg Predstavničkog doma Parlamentarne skupštine BiH - člana Kolegija Predstavničkog doma. Bez glasova „za“, 31 glasom „protiv“ i dva glasa „suzdržan“, prijedlog za dopunu **nije prihvaćen**.

Predsjedavajući je konstatirao da 46. sjednica Predstavničkog doma ima sljedeći

DNEVNI RED

1. Usvajanje Zapisnika 45. sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Prijedlog zakona o dopuni Zakona o upravi, predlagač: poslanik Damir Arnaut, zakon broj: 01-02-1-3044-1/16, od 6.1.2017., sa Izvještajem Ustavnopravne komisije;
4. Izvještaj komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, predlagač: poslanik Damir Arnaut, zakon broj: 01-02-1-687/17, od 10. 3. 2017. (zakon u prvom čitanju);
5. Izvještaj komisije Kolegija o nastojanju za postizanje saglasnosti o Prijedlogu zakona o osiguranju depozita u bankama Bosne i Hercegovine, predlagač: Vijeće ministara BiH, zakon broj: 01,02-02-1-960/17, od 10. 4. 2017. (zakon u prvom čitanju);
6. Godišnji izvještaj o rezultatima aktivnosti Institucije ombudsmena za ljudska prava BiH za 2016., podnosilac: Institucija ombudsmena za ljudska prava BiH, broj: 01-12-828/17, od 27. 3. 2017.;
7. Izvještaj o radu Upravnog odbora Izvozno-kreditne agencije BiH za 2016., podnosilac: Upravni odbor Izvozno-kreditne agencije BiH, broj: 01,02-50-19-946/17, od 5. 4. 2017.;
8. Izvještaj o aktivnostima Ureda za reviziju institucija BiH, podnosilac: Ured za reviziju institucija BiH, materijal broj: 01,01/4-50-19-829/17, od 27. 3. 2017.;

9. Dopisi šest institucija BiH čije je poslovanje ocijenjeno revizorskim „mišljenjem s rezervom“ i „mišljenjem s rezervom uz isticanje predmeta“ (realizacija preporuka Ureda za reviziju institucija BiH i zaključaka Predstavničkog doma sa 39. sjednice, održane 14.12.2016.), broj: 01-16-1-1091/17, od 25. 4. 2017.;
10. Izvještaj o finansijskoj reviziji Radio-televizije Bosne i Hercegovine za 2015. godinu, materijal Ureda za reviziju institucija BiH, broj: 01-16-1-1089/17, od 25. 4. 2017.;
11. Razmatranje materijala Upravnog odbora BHRT-a:
 - a) Izvještaja o radu i poslovanju BHRT-a za 2016. godinu, Izvještaja o realizaciji programskih planova BHT 1, BH Radija 1, Muzičke produkcije BHRT-a i Portala BHRT-a za 2016. godinu, broj: 01,02-29-305-1/17, od 10. 5. 2017.,
 - b) Programskih planova BHT 1, BH Radija 1, Multimedije i Muzičke produkcije BHRT-a za 2017. godinu i Finansijskog plana BHRT-a za 2017. godinu, broj: 01,02-29-305/17, od 30. 1. 2017.;
12. Informacija o realizaciji zaključaka Parlamentarne skupštine BiH, podnosilac: Ministarstvo za ljudska prava i izbjeglice BiH, broj: 01,02,03-50-19-1138/17, od 28. 4. 2017.;
13. Informacija o pokrenutim arbitražnim postupcima protiv Bosne i Hercegovine i njenih institucija, podnosilac: Pravobranilaštvo BiH, broj: 01,02,03-10-1056/17, od 20. 4. 2017.;
14. Imenovanje tri člana iz Predstavničkog doma u Zajedničku komisiju oba doma za postizanje identičnog teksta Izmjena i dopuna Jedinistvenih pravila za izradu pravnih propisa u institucijama Bosne i Hercegovine;
15. Imenovanje tri člana iz Predstavničkog doma u Zajedničku komisiju oba doma za usaglašavanje prijedloga za imenovanje jednog člana Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica BiH ili drugi sud u skladu sa zakonom BiH;
16. Razmatranje ostavke Arifa Nanića na mjesto člana Ureda za razmatranje žalbi BiH, filijala Banja Luka, kao stručnjak upravnog prava i/ili upravnog postupka, akt broj: 01,02-50-19-1038/17, od 15.5.2017., i Prijedlog odluke o razrješenju dužnosti člana Ureda za razmatranje žalbi BiH, filijala Banja Luka, akt broj: 01,02-50-19-1038/17, od 29. 5. 2017.;
17. Davanje saglasnosti za ratifikaciju Memoranduma o razumijevanju o obrazovnoj i naučnoj saradnji između Vijeća ministara Bosne i Hercegovine i Vlade Kraljevine Saudijske Arabije, materijal broj: 01,02-05-2-831/17, od 27. 3. 2017.;
18. Davanje saglasnosti za ratifikaciju Protokola o saradnji u oblasti obrazovanja između Vijeća ministara Bosne i Hercegovine i Vlade Republike Turske, materijal broj: 01,02-05-2-999/17, od 12. 4. 2017.;
19. Davanje saglasnosti za ratifikaciju Sporazuma o statusu i funkcioniranju Međunarodne komisije za nestale osobe, materijal broj: 01,02-05-2-1055/17, od 20. 4. 2017.;
20. Davanje saglasnosti za otkazivanje Konvencije Međunarodne organizacije rada o podzemnom radu (žene) broj 45 iz 1935. godine, materijal broj: 01,02-05-2-1079/17, od 24. 4. 2017.

Ad.1. Usvajanje Zapisnika 45. sjednice Predstavničkog doma Parlamentarne skupštine BiH

Nakon uvodnih napomena, predsjedavajući je otvorio raspravu. Nije bilo prijavljenih.

Zapisnik 44. sjednice usvojen je jednoglasno s 33 glasa „za” (iz Federacije BiH 26, iz Republike Srpske sedam).

Ad.2. Komentari na dobivene odgovore na poslanička pitanja

Predsjedavajući je podsjetio da su, u skladu s članom 170. Poslovnika, do ove sjednice Doma pitanja u pisanoj formi postavili poslanici:

- **Saša Magazinović** – postavio pitanja ministru sigurnosti BiH, predsjedavajućem Vijeća ministara BiH, ministru komunikacija i prometa BiH i generalnom direktoru BHRT-a
- **Damir Arnaut** – postavio pitanja ministrici za ljudska prava i izbjeglice BiH
- **Mladen Bosić** - uputio inicijativu Kolegiju Doma
- **Miroslav Milovanović** – uputio pitanje ministru finansija i trezora BiH
- **Mensura Beganović** – uputila pitanja Ministarstvu vanjskih poslova BiH i Ministarstvu vanjske trgovine i ekonomskih odnosa BiH
- **Hanka Vajzović** – uputila pitanje ministru komunikacija i prometa BiH

Sadržaj postavljenih pitanja je sljedeći:

Saša Magazinović

Pitanje upućeno ministru sigurnosti BiH:

1. „Da li su službenici s policijskim ovlaštenjima, kao i drugi zaposleni u agencijama za provođenje zakona osigurani po osnovu kolektivnog osiguranja?“

Pitanja upućena predsjedavajućem Vijeća ministara BiH:

1. „Šta je do sada urađeno u vezi sa zaključcima koji se odnose na kibernetičku sigurnost u Bosni i Hercegovini, a koje je usvojio Predstavnički dom Parlamentarne skupštine BiH na 25. sjednici, održanoj 16. 2. 2016., budući da je rok za provođenje zaključka broj 2 istekao prije godinu dana?“
2. „Da li je Vijeće ministara BiH svjesno postojanja problema diskriminacije građana BiH po osnovu prava vlasništva nad nekretninama u Republici Hrvatskoj i koje su konkretno aktivnosti preduzete samostalno i u saradnji s nižim nivoima vlasti da se ova diskriminacija građana BiH otkloni?“

Pitanja upućena ministru saobraćaja i komunikacija BiH:

1. „Da li raspolazete informacijom o prosječnoj starosti autobusa kojima se prevoze putnici u Bosni i Hercegovini? Da li postoje ograničenja u tom pogledu kod nas? Kakva su pravila u zemljama EU? Koja je politika ministarstva u ovom pravcu i za šta ćete se u tom smislu zalagati?“

Pitanje upućeno generalnom direktoru BHRT-a:

1. „Molim Vas da mi dostavite pregled svih isplata svim pojedincima po svim osnovama za period od 1.1.2016. do 1.5.2017. s jasno navedenim imenima, osnovama za isplatu i iznosima.“

Damir Arnaut

Pitanje upućeno ministrici za ljudska prava i izbjeglice BiH: (u vezi s tvrdnjama i konstatacijama načelnika Općine Novi Grad Sarajevo u emisiji Centralni dnevnik na „Face TV“ od 5.5.2017., kojim je osporavao pripadnost konkretno imenovanog lica jednom od konstitutivnih naroda u Bosni i Hercegovini)

1. „Koji je stav Ministarstva za ljudska prava i izbjeglice BiH o ovim tvrdnjama i konstatacijama?
2. Da li je Ministarstvo za ljudska prava i izbjeglice BiH razmatralo ovaj konkretan slučaj na vlastitu inicijativu, a uzimajući u obzir svoje navedene nadležnosti?
3. Da li je Ministarstvo za ljudska prava i izbjeglice BiH preduzelo bilo kakve aktivnosti po ovom pitanju, a uzimajući u obzir svoje navedene nadležnosti?
4. Koje aktivnosti Ministarstvo za ljudska prava i izbjeglice BiH planira preduzeti po ovom pitanju?“

Mladen Bosić

Inicijativa upućena Kolegiju Doma:

„Zadužuje se Regulatorna agencija za komunikacije da Predstavničkom domu Parlamentarne skupštine BiH dostavi Informaciju o rezultatima usklađivanja cijena usluga mobilne telefonije u BiH sa cijenama u regionu i Evropi, u skladu sa zaključcima usvojenim na 23. sjednici Doma, održanoj 12.1.2016.“

Miroslav Milovanović

Pitanje upućeno ministru finansija i trezora BiH:

„S obzirom na to da je UIOBiH u Vašoj resornoj nadležnosti, znate li da se carinski terminal Rača već nekoliko godina otkako je izmješten fizički nalazi prije graničnog prijelaza Rača i da je to jedinstven slučaj moguć samo u BiH?“

Mensura Beganović

Pitanja upućena Ministarstvu vanjskih poslova BiH i Ministarstvu vanjske trgovine i ekonomskih odnosa BiH:

1. „Kakva je sudbina prijedloga da se pri diplomatskim predstavništvima formiraju odjeli/predstavništva za podsticanje izvoza, posebno kada je riječ o zemljama u koje BiH najviše izvozi (Njemačka, Italija, Hrvatska, Srbija, Slovenija i Austrija)?
2. Koliko je Odjel za ekonomsku diplomatiju (pri MVP-u) uspješan u ekonomskoj diplomatiji (s konkretnim podacima i rezultatima u posljednjih pet godina)?
3. Da li je Izvozno vijeće Bosne i Hercegovine pri MVTEO aktivno i koliki uticaj ima na definiranje i provođenje izvoznih politika, kao i na jačanje ekonomske diplomatije u BiH?“

Hanka Vajzović

Pitanja upućena ministru komunikacija i prometa BiH

1. „Zašto je Ministarstvo komunikacija i prometa BiH (ili neko ko je za ove zadatke u ime Ministarstva personalno zadužen ili odgovoran) Program sigurnosti civilnog zrakoplovstva Bosne i Hercegovine „držao u ladici“ tri godine (još od maja 2014.), odnosno,
2. Zašto ni nakon primjedbi i mjera Međunarodne organizacije civilne avijacije (ICAO) naloženih s početka ove godine Ministarstvo komunikacija i prometa BiH još uvijek nije pokrenulo aktivnosti na njihovom usklađivanju i otklanjanju primjedbi, odnosno na donošenju novog teksta Programa sigurnosti civilnog zrakoplovstva Bosne i Hercegovine?“

U skladu s članom 170. Poslovnika, na ovoj sjednici Doma inicijative u pisanoj formi uputili su poslanici Safer Demirović i Mensura Beganović te Klub poslanika Nezavisni blok.

Sadržaj inicijativa je sljedeći:

Safer Demirović i Mensura Beganović

Inicijativa upućena Ministarstvu vanjske trgovine i ekonomskih odnosa BiH:

„Programom preuzimanja tehničkih propisa, koje je donijelo Vijeće ministara BiH 2006. godine, utvrđuju se direktive novog pristupa Evropske unije koje se preuzimaju u zakonodavstvo Bosne i Hercegovine.

Jedna od tih direktiva jeste i Direktiva 94/9/EC (ATEX direktiva) koja je u prednacrtu objavljena u formi Naredbe 2010. godine.

Imajući u vidu oblast koju uređuje i vrijeme kada je donesena u formi prednacrta, pokrećemo inicijativu za hitno preuzimanje i ugrađivanje Direktive 94/9/EC u zakonodavstvo Bosne i Hercegovine.“

Klub poslanika Nezavisni blok

Inicijativa upućena Kolegiju Doma:

„Predlažemo da se na prvu narednu sjednicu Predstavničkog doma Parlamentarne skupštine BiH, a najkasnije u roku od 30 dana, uvrsti tačka dnevnog reda pod nazivom: Izvještaj o radu Vijeća ministara BiH za 2016. godinu i realizacija Programa rada Vijeća ministara BiH za period januar - maj 2017. godine.“

Predsjedavajući je rekao da su do današnje sjednice dostavljeni sljedeći odgovori na poslanička pitanja:

- Na pitanje poslanika **Nikole Lovrinovića**, postavljeno u usmenoj formi na 38. sjednici, odgovor dostavilo Ministarstvo pravde BiH, te na pitanje postavljeno u pisanoj formi na 45. sjednici odgovor dostavila Centralna izborna komisija BiH

- Na pitanja poslanika **Zaima Backovića**, postavljena u usmenoj formi na 44. i 45. sjednici, odgovore dostavilo Ministarstvo vanjskih poslova BiH i Uprava za indirektno oporezivanje BiH
- Na pitanja poslanice **Maje Gasal-Vražalice**, postavljena u pisanoj formi na 45. sjednici, odgovor dostavilo Ministarstvo obrazovanja, nauke, kulture i sporta Zapadnohercegovačkog kantona
- Na pitanje poslanika **Hazima Rančića**, postavljeno u usmenoj formi na 39. sjednici, odgovor dostavilo Ministarstvo pravde BiH
- Na pitanja poslanika **Denisa Bećirovića**, postavljeno u pisanoj formi na 43. sjednici, odgovor dostavilo Vijeće ministara BiH

Dostavljene odgovore komentirali su poslanici:

Maja Gasal-Vražalica zatražila je da se Agenciji za statistiku BiH uputi urgencija za dostavu odgovora na postavljeno pitanje.

Damir Arnaut izrazio je nezadovoljstvo zbog nedobivanja odgovora od Ministarstva za ljudska prava i izbjeglice BiH, postavljeno na 45. sjednici Doma.

Hazim Rančić komentirao je odgovor Ministarstva pravde BiH na pitanje postavljeno u usmenoj formi na 39. sjednici Doma.

Predrag Kožul zatražio je upućivanje urgencije Ministarstvu pravde BiH za dostavljanje odgovora na pitanje postavljeno u usmenoj formi na 37. sjednici Doma, održanoj 9.11.2016., i Ministarstvu vanjske trgovine i ekonomskih odnosa BiH na pitanje postavljeno u pisanoj formi na 41. sjednici, održanoj 18.1.2017.

Nikola Lovrinović komentirao je odgovor Centralne izborne komisije BiH. Istakao je nezadovoljstvo nedobivanjem odgovora od Predsjedništva BiH i Federalne televizije.

Saša Magazinović zatražio je upućivanje urgencije Vijeću ministara BiH, Upravi za indirektno oporezivanje i Upravnom odboru Uprave za indirektno oporezivanje BiH za dostavljanje odgovora na pitanja postavljena u pripremi 44. sjednice Doma.

Maja Gasal-Vražalica zatražila je upućivanje urgencije Ministarstvu civilnih poslova BiH za dostavljanje odgovora na pitanja postavljena u pripremi 45. sjednice Doma.

Mirsad Donlagić izrazio je nezadovoljstvo jer nije dobio odgovor Vijeća ministara BiH na postavljena poslanička pitanja.

Zaim Backović komentirao je odgovor Uprave za indirektno oporezivanje BiH, na pitanje postavljeno na 45. sjednici Doma, održanoj 10.5.2017., te rekao da na isto pitanje očekuje i odgovor Ministarstva finansija i trezora BiH.

Ad.3. Prijedlog zakona o dopuni Zakona o upravi, predlagač: poslanik Damir Arnaut, zakon broj: 01-02-1-3044-1/16, od 6.1.2017., sa Izvještajem Ustavnopravne komisije

Predsjedavajući Šefik Džaferović dao je uvodne napomene, rekavši da je ovo drugi negativan izvještaj i otvorio raspravu. U raspravi su učestvovali: Damir Arnaut, Nikola Lovrinović, Momčilo Novaković, Maja Gasal-Vražalica, Saša Magazinović, Fehim Škaljić i Zaim Backović.

Predsjedavajući je dao na glasanje negativni Izvještaj Ustavnopravne komisije. „Za“ je glasalo 11 poslanika (iz Federacije BiH pet, iz Republike Srpske šest), 22 „protiv“ i bez glasova „suzdržan“. Predsjedavajući je konstatirao da **negativan Izvještaj Ustavnopravne komisije nije usvojen**, te da se zakonodavni postupak o Prijedlogu zakona o dopuni Zakona o upravi, čiji je predlagač poslanik Damir Arnaut, **obustavlja**, u skladu s članom 121. stav (4) Poslovnika.

Ad.4. Izvještaj komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, predlagač: poslanik Damir Arnaut, zakon broj: 01-02-1-687/17, od 10. 3. 2017. (zakon u prvom čitanju)

Predsjedavajući Šefik Džaferović dao je uvodne napomene. O ovoj tački nije bilo rasprave.

Dom je, s 24 glasa „za“, dva „protiv“ (iz Federacije BiH) i sedam glasova „suzdržan“, **usvojio u prvom čitanju** Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini.

Ad.5. Izvještaj komisije Kolegija o nastojanju za postizanje saglasnosti o Prijedlogu zakona o osiguranju depozita u bankama Bosne i Hercegovine, predlagač: Vijeće ministara BiH, zakon broj: 01,02-02-1-960/17, od 10.4.2017. (zakon u prvom čitanju)

Predsjedavajući Šefik Džaferović dao je uvodne napomene. O ovoj tački nije bilo rasprave.

Dom, s 19 glasova „za“, 12 „protiv“ (iz Federacije BiH jedan, iz Republike Srpske 11) i sedam glasova „suzdržan“, **nije usvojio u prvom čitanju** Prijedlogu zakona o osiguranju depozita u bankama Bosne i Hercegovine.

Ad.6. Godišnji izvještaj o rezultatima aktivnosti Institucije ombudsmena za ljudska prava BiH za 2016., podnosilac: Institucija ombudsmena za ljudska prava BiH, broj: 01-12-828/17, od 27.3.2017.

Predsjedavajući je dao uvodne napomene i otvorio raspravu. Nije bilo prijavljenih.

S 28 glasova „za“ (iz Federacije BiH 21, iz Republike Srpske sedam), jednim „protiv“ i četiri glasa „suzdržan“, Dom je usvojio Godišnji izvještaj o rezultatima aktivnosti Institucije ombudsmena za ljudska prava BiH za 2016.

Ad.7. Izvještaj o radu Upravnog odbora Izvozno-kreditne agencije BiH za 2016., podnosilac: Upravni odbor Izvozno-kreditne agencije BiH, broj: 01,02-50-19-946/17, od 5.4.2017.

Predsjedavajući je dao uvodne napomene i otvorio raspravu, u kojoj su učestvovali: Zaim Backović, Šemsudin Mehmedović i Mensura Beganović.

U raspravi je Zaim Backović predložio zaključak.

„Za“ prijedlog zaključka glasalo je 18 poslanika (iz Federacije BiH 17, iz Republike Srpske jedan), 14 „protiv“ i jedan „suzdržan“. Predsjedavajući je konstatirao da nema potrebne entitetske većine. Kolegij kao komisija odmah je obavio usaglašavanje. Nije bilo saglasnosti. U drugom krugu glasanja, s 18 glasova „za“, 15 „protiv“ (iz Federacije BiH 10, iz Republike Srpske pet) i bez glasova „suzdržan“, Dom je usvojio zaključak koji glasi:

„Predstavnički dom formirat će istražnu komisiju čiji je zadatak da ispita utrošak sredstava IGA-e i sredstava prikupljenih i namijenjenih gradnji puteva.“

Zatim je predsjedavajući dao na glasanje Izvještaj o radu. „Za“ Izvještaj glasalo je 15 poslanika (iz Federacije BiH 14, iz Republike Srpske jedan), 14 „protiv“, četiri su bila „suzdržana“. Predsjedavajući je konstatirao da nema potrebne entitetske većine. Kolegij kao komisija odmah je obavio usaglašavanje. Nije bilo saglasnosti. U drugom krugu glasanja, s 15 glasova „za“, 13 „protiv“ (iz Federacije BiH sedam, iz Republike Srpske šest) i pet glasova „suzdržan“, Dom je usvojio Izvještaj o radu Upravnog odbora Izvozno-kreditne agencije BiH za 2016.

Ad.8. Izvještaj o aktivnostima Ureda za reviziju institucija BiH, podnosilac: Ured za reviziju institucija BiH, materijal broj: 01,01/4-50-19-829/17, od 27.3.2017.

Predsjedavajući je dao uvodne napomene i otvorio raspravu. Nije bilo prijavljenih.

S 26 glasova „za“ (iz Federacije BiH 19, iz Republike Srpske sedam), jednim „protiv“ i šest glasova „suzdržan“, Dom je usvojio Izvještaj o aktivnostima Ureda za reviziju institucija BiH za 2016.

Ad.9. Dopisi šest institucija BiH čije je poslovanje ocijenjeno revizorskim „mišljenjem s rezervom“ i „mišljenjem s rezervom uz isticanje predmeta“ (realizacija preporuka Ureda za reviziju institucija BiH i zaključaka Predstavničkog doma sa 39. sjednice, održane 14.12.2016.), broj: 01-16-1-1091/17, od 25.4.2017.

Predsjedavajući je dao uvodne napomene i otvorio raspravu. Nije bilo prijavljenih.

S 25 glasova „za“ (iz Federacije BiH 18, iz Republike Srpske sedam), četiri „protiv i četiri glasa „suzdržan“, Dom je primio k znanju dopise šest institucija BiH čije je poslovanje ocijenjeno revizorskim „mišljenjem s rezervom“ i „mišljenjem s rezervom uz isticanje predmeta“.

Ad.10. Izvještaj o finansijskoj reviziji Radio-televizije Bosne i Hercegovine za 2015. godinu, materijal Ureda za reviziju institucija BiH, broj: 01-16-1-1089/17, od 25.4.2017.

Predsjedavajući je dao uvodne napomene i otvorio raspravu. U raspravi su učestvovali: Nikola Lovrinović, Momčilo Novaković, Aleksandra Pandurević, Šefik Džaferović, Damir Arnaut, Nermina Kapetanović, Jasmin Emrić, Sadik Ahmetović, Amir Fazlić, Zaim Backović i Hanka Vajzović.

U svojim mišljenjima zaključke su predložile Komisija za saobraćaj i komunikacije i Komisija za finansije i budžet. Tokom rasprave zaključke su predložili Mirsad Đonlagić i Salko Sokolović.

Jednoglasno, s 33 glasa „za“ (iz Federacije BiH 26, iz Republike Srpske sedam), Dom je usvojio zaključak iz Mišljenja Komisije za saobraćaj i komunikacije koji glasi:

„Predstavnički dom Parlamentarne skupštine BiH traži od Upravnog odbora i rukovodstva RTVBiH da realiziraju preporuke navedene u Izvještaju o finansijskoj reviziji Radio-televizije Bosne i Hercegovine za 2015. godinu.“

S 32 glasa „za“ (iz Federacije BiH 26, iz Republike Srpske šest), bez glasova „protiv“ i jednim glasom „suzdržan“, Dom je usvojio zaključak iz Mišljenja Komisije za finansije i budžet koji glasi:

„Predstavnički dom Parlamentarne skupštine BiH traži od Ureda za reviziju institucija BiH da u najkraćem roku Izvještaj o finansijskoj reviziji Radio-televizije Bosne i Hercegovine za 2015. godinu dostavi Tužilaštvu Bosne i Hercegovine.“

„Za“ prijedlog zaključka poslanika Mirsada Đonlagića glasao je 21 poslanik (iz Federacije BiH 20, iz Republike Srpske jedan), šest „protiv“, šest je bilo „suzdržanih“. Predsjedavajući je konstatirao da nema potrebne entitetske većine. Kolegij kao komisija odmah je obavio usaglašavanje. Nije bilo saglasnosti. U drugom krugu glasanja, s 21 glasom „za“, šest „protiv (iz Republike Srpske) i šest glasova „suzdržan“, Dom je usvojio zaključak koji glasi:

„Predstavnički dom traži da BHRT i entitetski emiteri ispoštuju sve preporuke iz ovog izvještaja koje se na njih odnose, te da provedu sve mjere koje su u Izvještaju navedene.“

„Za“ prijedlog zaključka poslanika Salka Sokolovića glasala su 22 poslanika (iz Federacije BiH 21, iz Republike Srpske jedan), šest „protiv“, pet je bilo „suzdržanih“. Predsjedavajući je konstatirao da nema potrebne entitetske većine. Kolegij kao komisija odmah je obavio usaglašavanje. Nije bilo saglasnosti. U drugom krugu glasanja, s 21 glasom „za“, šest „protiv (iz Republike Srpske) i šest glasova „suzdržan“, Dom je usvojio zaključak koji glasi:

„Predstavnički dom Parlamentarne skupštine BiH traži od Vijeća ministara BiH da osigura finansijsku pomoć za plaćanje dijela dugovanja BHRT-a prema EBU (Evropskoj radiodifuznoj uniji), s obzirom na to da su to međunarodne obaveze Javnog RTV servisa BiH.“

Zatim je, Dom s 28 glasova „za“ (iz Federacije BiH 21, iz Republike Srpske sedam), bez glasova „protiv“ i pet glasova „suzdržan“, usvojilo Izvještaj o finansijskoj reviziji Radio-televizije Bosne i Hercegovine za 2015. godinu.

Ad.11. Razmatranje materijala Upravnog odbora BHRT-a:

- a) Izvještaja o radu i poslovanju BHRT-a za 2016. godinu, Izvještaja o realizaciji programskih planova BHT 1, BH Radija 1, Muzičke produkcije BHRT-a i Portala BHRT-a za 2016. godinu, broj: 01,02-29-305-1/17, od 10.5.2017.,
- b) Programskih planova BHT 1, BH Radija 1, Multimedije i Muzičke produkcije BHRT-a za 2017. godinu i Finansijskog plana BHRT-a za 2017. godinu, broj: 01,02-29-305/17, od 30.1.2017.;

Predsjedavajući Šefik Džaferović dao je uvodne napomene i otvorio raspravu. U raspravi su učestvovali: Predrag Kožul, Momčilo Novaković, Nikola Lovrinović i Salko Sokolović.

Zaim Backović je tokom rasprave predložio zaključak. Dom je, s 25 glasova „za“ (iz Federacije BiH 18, iz Republike Srpske sedam), pet glasova „protiv“ i osam glasova „suzdržan“, usvojilo zaključak predlagача Zaima Backovića, koji glasi:

„Traži se od RAK-a da uradi tridesetodnevni monitoring Dnevnika 2 BHRT-a, RTRS-a i FTV-a i analizu poštivanja profesionalnih standarda i dostavi je Predstavničkom domu Parlamentarne skupštine BiH.“

Dom je, s 24 glasa „za“ (iz Federacije BiH 17, iz Republike Srpske sedam), šest „protiv“ i osam glasova „suzdržan“, **usvojio** Izvještaj o radu i poslovanju BHRT-a za 2016. godinu.

Predsjedavajući je dao na glasanje ostale materijale. „Za“ je glasalo 17 poslanika (iz Federacije BiH 16, iz Republike Srpske jedan), 15 je bilo „protiv“ i šest „suzdržanih“. Predsjedavajući je konstatirao da nema potrebne entitetske većine. Kolegij kao komisija odmah je obavio usaglašavanje. Nije bilo saglasnosti. U drugom krugu glasanja, s 18 glasova „za“, 15 „protiv“ (iz Federacije četiri, iz Republike Srpske 11) i tri glasa „suzdržan“, Dom **nije primio k znanju** Izvještaj o realizaciji programskih planova BHT 1, BH Radija 1, Muzičke produkcije BHRT-a i Portala BHRT-a za 2016. godinu, Programske planove BHT 1, BH Radija 1, Multimedije i Muzičke produkcije BHRT-a za 2017. godinu i Finansijski plan BHRT-a za 2017. godinu.

Ad.12. Informacija o realizaciji zaključaka Parlamentarne skupštine BiH, podnosilac: Ministarstvo za ljudska prava i izbjeglice BiH, broj: 01,02,03-50-19-1138/17, od 28.4.2017.

Predsjedavajući Šefik Džaferović dao je uvodne napomene i otvorio raspravu, u kojoj su učestvovali: Nikola Lovrinović, Borislav Bojić, Damir Arnaut i Momčilo Novaković.

Na prijedlog Momčila Novakovića, Dom je, s 24 glasa „za“ (iz Federacije BiH 19, iz Republike Srpske pet), tri „protiv“ i šest glasova „suzdržan“, **usvojio** zaključak koji glasi:

„Zadužuje se Ministarstvo za ljudska prava i izbjeglice BiH da Parlamentarnoj skupštini BiH dostavi spisak projekata koji se finansiraju iz udruženih sredstava kao i izvođača radova za svaki projekat te način na koji je izabran. Isto se odnosi i na projekte koji se finansiraju iz kreditnih i donatorskih sredstava. Podaci se traže za 2013., 2014., 2015. i 2016. godinu.“

Zatim je Dom, s 29 glasova „za“ (iz Federacije BiH 22, iz Republike Srpske sedam), bez glasova „protiv“ i četiri glasa „suzdržan“, **primio k znanju** Informaciju o realizaciji zaključaka Parlamentarne skupštine BiH, čiji je podnosilac Ministarstvo za ljudska prava i izbjeglice BiH.

Ad.13. Informacija o pokrenutim arbitražnim postupcima protiv Bosne i Hercegovine i njenih institucija, podnosilac: Pravobranilaštvo BiH, broj: 01,02,03-10-1056/17, od 20.4.2017.

Predsjedavajući Šefik Džaferović dao je uvodne napomene i otvorio raspravu, u kojoj su učestvovali: Damir Arnaut, Damir Bećirović, Jasmin Emrić, Zaim Backović i Šefik Džaferović.

Domu se obratio v.d. zamjenika pravobranioca Mariofil Ljubić.

U raspravi je Jasmin Emrić predložio dva zaključka te se, na njegov zahtjev, odvojeno glasalo o prijedlozima zaključaka.

Prvi prijedlog zaključka nije usvojen, a on glasi: „ Informacija Pravobranilaštva BiH o pokrenutim arbitražnim postupcima protiv Bosne i Hercegovine i njenih institucija vraća se na doradu Pravobranilaštvu BiH i Vijeću ministara BiH.“ „Za“ je glasalo 15 poslanika (iz Federacije BiH osam, iz Republike Srpske sedam), 10 „protiv“ i osam ih je bilo „suzdržano“. Predsjedavajući je konstatirao da nema potrebne entitetske većine. Kolegij kao komisija odmah je obavio usaglašavanje. Nije bilo saglasnosti. U drugom krugu glasanja, s 12 glasova „za“, 12 „protiv (iz Federacije BiH) i devet glasova „suzdržan“, Dom **nije usvojio** prijedlog zaključka.

Predsjedavajući je dao na glasanje drugi prijedlog zaključka. Dom je, sa 18 glasova „za“ (iz Federacije BiH 12, iz Republike Srpske šest), osam „protiv“ i sedam glasova „suzdržan“, **usvojio** zaključak koji glasi:

„Zadužuje se Vijeće ministara BiH da u roku od 30 dana dostavi kompletnu informaciju o pokrenutim arbitražnim postupcima protiv Bosne i Hercegovine i njenih institucija, s prijedlogom mogućih scenarija radi zaštite imovine i imovinskih interesa Bosne i Hercegovine u predmetnim arbitražnim postupcima.“

Zatim je Dom, s 27 glasova „za“ (iz Federacije BiH 20, iz Republike Srpske sedam), tri „protiv“ i tri glasa „suzdržan“, **primio k znanju** Informaciju o pokrenutim arbitražnim postupcima protiv Bosne i Hercegovine i njenih institucija.

Ad.14. Imenovanje tri člana iz Predstavničkog doma u Zajedničku komisiju oba doma za postizanje identičnog teksta Izmjena i dopuna Jedinствениh pravila za izradu pravnih propisa u institucijama Bosne i Hercegovine

Predsjedavajući je dao uvodne napomene i otvorio raspravu, u kojoj su učestvovali Damir Arnaut i Damir Bećirović.

Dom je, s 20 glasova „za“ (iz Federacije BiH 14, iz Republike Srpske šest), 11 „protiv“ i dva glasa „suzdržan“, imenovao Damira Arnauta, Nikolu Lovrinovića i Đorđu Krčmara u Zajedničku komisiju oba doma za postizanje identičnog teksta Izmjena i dopuna Jedinствениh pravila za izradu pravnih propisa u institucijama Bosne i Hercegovine.

Ad.15. Imenovanje tri člana iz Predstavničkog doma u Zajedničku komisiju oba doma za usaglašavanje prijedloga za imenovanje jednog člana Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica BiH ili drugi sud u skladu sa zakonom BiH

Predsjedavajući je dao uvodne napomene i otvorio raspravu, u kojoj su učestvovali: Damir Arnaut, Borislav Bojić, Sadik Ahmetović i Salko Sokolović.

Prijedlog Kolegija Doma je da se u Zajedničku komisiju oba doma imenuju: Nermina Kapetanović, Monika Tomić i Aleksandra Pandurević.

Damir Arnaut predložio je da se umjesto Nermine Kapetanović u Zajedničku komisiju imenuje Mirsad Isaković.

Salko Sokolović predložio je da se umjesto Nermine Kapetanović u Zajedničku komisiju imenuje Sadik Ahmetović.

Predsjedavajući je na glasanje prvo dao prijedlog Kolegija za imenovanje tri člana iz Predstavničkog doma u Zajedničku komisiju oba doma. S 18 glasova „za“ (iz Federacije BiH 12, iz Republike Srpske šest), 14 „protiv“ i jednim glasom „suzdržan“, Dom je usvojio prijedlog Kolegija, te u Zajedničku komisiju oba doma za usaglašavanje prijedloga za imenovanje jednog člana Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica BiH ili drugi sud u skladu sa zakonom BiH imenovao: Nerminu Kapetanović, Moniku Tomić i Aleksandru Pandurević.

O druga dva prijedloga nije se glasalo.

Ad.16. Razmatranje ostavke Arifa Nanića na mjesto člana Ureda za razmatranje žalbi BiH, filijala Banja Luka, kao stručnjaka upravnog prava i/ili upravnog postupka, akt broj: 01,02-50-19-1038/17, od 15.5.2017., i Prijedlog odluke o razrješenju dužnosti člana Ureda za razmatranje žalbi BiH, filijala Banja Luka, akt broj: 01,02-50-19-1038/17, od 29.5.2017.

Predsjedavajući je dao uvodne napomene i otvorio raspravu. Nije bilo rasprave.

Zatim je Dom, s 26 glasova „za“ (iz Federacije BiH 19, iz Republike Srpske sedam), dva „protiv“ i pet glasova „suzdržan“, usvojio Odluku o razrješenju Arifa Nanića dužnosti člana Ureda za razmatranje žalbi BiH, filijala Banja Luka.

Predsjedavajući je dao na glasanje prijedlog da se objedini rasprava o tačkama 17. - 20. dnevnog reda, s obzirom na to da je riječ o davanju saglasnosti za ratifikaciju sporazuma i konvencije. Dom je, s 26 glasova „za“, (iz Federacije BiH 21, iz Republike Srpske pet), jednim „protiv“ i bez glasova „suzdržan“, **usvojio** ovaj prijedlog.

Predsjedavajući je dao uvodne napomene i otvorio raspravu, u kojoj su učestvovali: Nikola Lovrinović, Nermina Kapetanović, Damir Arnaut, Zaim Backović, Predrag Kožul, Sadik Ahmetović, Denis Bećirović, Momčilo Novaković i Monika Tomić.

Domu se obratio zamjenik ministra civilnih poslova BiH Vojin Mijatović.

Ad.17. Davanje saglasnosti za ratifikaciju Memoranduma o razumijevanju o obrazovnoj i naučnoj saradnji između Vijeća ministara Bosne i Hercegovine i Vlade Kraljevine Saudijske Arabije, materijal broj: 01,02-05-2-831/17, od 27.3.2017.

„Za“ davanje saglasnosti glasao je 21 poslanik (iz Federacije BiH 20, iz Republike Srpske jedan), 16 „protiv“ i jedan je bio „suzdržan“. Predsjedavajući je konstatirao da **nema potrebne entitetske većine** i da će Kolegij Doma kao komisija obaviti naknadno usaglašavanje o davanju saglasnosti za ratifikaciju Memoranduma o razumijevanju o obrazovnoj i naučnoj saradnji između Vijeća ministara Bosne i Hercegovine i Vlade Kraljevine Saudijske Arabije.

Ad.18. Davanje saglasnosti za ratifikaciju Protokola o saradnji u oblasti obrazovanja između Vijeća ministara Bosne i Hercegovine i Vlade Republike Turske, materijal broj: 01,02-05-2-999/17, od 12.4.2017.

„Za“ davanje saglasnosti glasao je 21 poslanik (iz Federacije BiH 20, iz Republike Srpske jedan), 16 „protiv“ i jedan je bio „suzdržan“. Predsjedavajući je konstatirao da **nema potrebne entitetske većine** i da će Kolegij Doma kao komisija obaviti naknadno usaglašavanje o davanju saglasnosti za ratifikaciju Protokola o saradnji u oblasti obrazovanja između Vijeća ministara Bosne i Hercegovine i Vlade Republike Turske.

Ad.19. Davanje saglasnosti za ratifikaciju Sporazuma o statusu i funkcioniranju Međunarodne komisije za nestale osobe, materijal broj: 01,02-05-2-1055/17, od 20.4.2017.

Predsjedavajući je prvo dao na glasanje prijedlog zaključka Momčila Novakovića. S 24 glasa „za“ (iz Federacije BiH 13, iz Republike Srpske 11), 10 „protiv“ i četira glasa „suzdržan“, Dom je **usvojio** zaključak koji glasi:

Predlažem da se rasprava i odlučivanje o Sporazumu o statusu i funkcioniranju Međunarodne komisije za nestale osobe odgodi za narednu sjednicu, na kojoj će se osigurati prisustvo predlagača, u skladu s dopisom broj: 01,02-05-2-1055/17.

Ad.20. Davanje saglasnosti za otkazivanje Konvencije Međunarodne organizacije rada o podzemnom radu (žene) broj 45 iz 1935. godine, materijal broj: 01,02-05-2-1079/17, od 24.4.2017.

Dom je jednoglasno, s 38 glasova „za“ (iz Federacije BiH 26, iz Republike Srpske 12), **dao saglasnost** za otkazivanje Konvencije Međunarodne organizacije rada o podzemnom radu (žene) broj 45 iz 1935. godine.

Sjednica je završena u 17, 25 sati.

Sastavni dio Zapisnika je transkript 46. sjednice Predstavničkog doma.

SEKRETAR
PREDSTAVNIČKOG DOMA
Marin Vukoja

PREDSJEDAVAJUĆI
PREDSTAVNIČKOG DOMA
Šefik Džaferović